

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ՀԱՅՏԱՐԱՐՈՒԹՅՈՒՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԱՄ-2019/19, 11.02.2019թ.

**Բողոք ներկայացնող անձ՝** «ՎԵՈՆ Արմենիա» ՓԲԸ

**Պատվիրատու՝** ՀՀ քննչական կոմիտե

**Գնման ընթացակարգի ծածկագիրը և առարկան՝** «ՀՀՔԿ-ԷԱՃԾՁԲ-ԻԿ-19/5» ծածկագրով էլեկտրոնային աճուրդ, ՀՀ քննչական կոմիտեի կարիքների համար համացանցի ձեռքբերում:

**Բողոքի պահանջը՝**

Պարտավորեցնել «ՀՀՔԿ-ԷԱՃԾՁԲ-ԻԿ-19/5» ծածկագրով էլեկտրոնային աճուրդի գնահատող հանձնաժողովին՝ Աճուրդը 1,2,5-10 չափաբաժինների մասով հայտարարել չկայացած:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Մ. ԱՆԱՆՅԱՆ, ՔԱՐՏՈՒՂԱՐ՝ Ա. ԾԱՏՈՒՐՅԱՆ**


**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:


«ՎԵՈՆ Արմենիա» ՓԲԸ  
0014  
ՀՀ, ք. Երևան, Սհարունյան 2  
Յեռ.՝ +37410 289031

 Beeline Armenia  
www.beeline.am



Պարզ, հարմար, բեզ համար

«VEON Armenia» CJSC  
0014  
2. Aharonyan Str., Yerevan, RA  
Tel.: +37410 289031

 Beeline Armenia  
www.beeline.am

Գնումների հետ կապված բողոքներ քննող անձ  
/ք. Երևան, Մելիք-Աղամյան փող. 1/

Բողոք ներկայացրած անձ՝ «ՎԵՈՆ Արմենիա» ՓԲԸ  
պետ. ռեգիստրի վկայական՝ 01Ա-009454  
ՀՎՀՀ՝ 02500052  
/ք. Երևան, Ահարունյան 2/

Պատվիրատու՝  
ՀՀ քննչական կոմիտեի ղեկավարտամենտ  
/ք. Երևան, Մամիկոնյանց 46/5/

Էլեկտրոնային աճուրդի ծածկագիր՝  
ՀՀՔԿ-ԷԱՃՄՁԲ-ԻԿ-19/5 ծածկագրով անցկացվող էլեկտրոնային աճուրդ  
«ՀՀ քննչական կոմիտեի ղեկավարտամենտ» կարիքների համար՝ ՀՀ քննչական կոմիտեի կարիքների  
համար համացանցի ձեռքբերում

ք. Երևան

11.02.2019թ.

## Բողոք

«ՀՀ քննչական կոմիտեի ղեկավարտամենտ» կարիքների համար՝ ՀՀ քննչական կոմիտեի կարիքների համար  
համացանցի ձեռքբերման նպատակով ՀՀՔԿ-ԷԱՃՄՁԲ-ԻԿ-19/5 ծածկագրով անցկացվող էլեկտրոնային  
աճուրդի ընթացակարգի գնահատող հանձնաժողովին պարտավորեցնել ընդունել որոշում՝ նշված ծածկագրով  
աճուրդի՝ 1, 2, 5-10 չափաբաժինների մասով չկայացած հայտարարելու վերաբերյալ պահանջի մասին/

### Վեճի առարկայի համար էական նշանակություն ունեցող փաստերը.

«ՎԵՈՆ Արմենիա» ՓԲԸ-ն (այսուհետ՝ Ընկերություն) մասնակցել է «ՀՀ քննչական կոմիտեի  
ղեկավարտամենտ»-ի (այսուհետ՝ Պատվիրատու) կողմից հայտարարված «ՀՀ քննչական կոմիտեի  
կարիքների համար համացանցի ձեռքբերում» ՀՀՔԿ-ԷԱՃՄՁԲ-ԻԿ-19/5 ծածկագրով էլեկտրոնային  
աճուրդի ընթացակարգին /այսուհետ՝ Ընթացակարգ կամ Աճուրդ/:

Ընթացակարգի գնման առարկան է հանդիսանում Պատվիրատուի կարիքների համար  
համացանցի ձեռքբերումը, որոնք խմբավորված են թվով 10 չափաբաժիններում:

Ընթացակարգի գնահատող հանձնաժողովը /այսուհետ՝ Հանձնաժողով/ 29.01.2019թ. աճուրդի  
արդյունքների ամփոփման նիստի արձանագրությամբ, որը Ընկերությունը ստացել է 05.02.2019թ.,  
հաստատել է ընթացակարգի մասնակիցների էլեկտրոնային աճուրդին մասնակցելու դիմում  
հայտարարությունների՝ հրավերի պահանջներին բավարարելու փաստը:

Հանձնաժողովը 29.01.2019թ. Աճուրդի արդյունքների ամփոփման նիստում մերժել է  
Ընկերության ներկայացրած հայտը և 1, 2, 5-10 չափաբաժինների համար առաջին տեղ զբաղեցնող է

անաչել Ընթացակարգի մյուս մասնակցին՝ «ՋիԷնՍի-Ալֆա» ՓԲԸ-ին, իսկ 3-րդ և 4-րդ չափաբաժինների մասով Աճուրդը չկայացած «Գնումների մասին» ՀՀ օրենքի 37-րդ հոդվածի 1-ին մասի 1-ին կետի համաձայն:

Հանձնաժողովը 05.02.2019թ. հայտերի արդյունքների հաստատելու մասին նիստում 1, 2, 5-10 չափաբաժինների համար ընթացակարգի ընտրված մասնակից է ճանաչել «ՋիԷնՍի-Ալֆա» ՓԲԸ-ին:

Գտնում ենք, որ Հանձնաժողովի կայացրած որոշումը, այն է՝ «ՋիԷնՍի-Ալֆա» ՓԲԸ-ին որպես ընթացակարգի ընտրված մասնակից ճանաչելու մասին, անհիմն է և չի բխում օրենքի պահանջներից:

#### Բողոքի փաստացի և իրավական հիմքերը.

17.01.2019թ-ին Ընկերությունը Պատվիրատուից ստացել է Ընթացակարգին մասնակցելու հրավեր: 18.01.2019թ. Ընկերությունը հրավերով սահմանված կարգով, ժամանակին և կից փաստաթղթերով էլեկտրոնային ձևով ներկայացրել է էլեկտրոնային աճուրդում մասնակցելու դիմում-հայտարարություն՝ էլեկտրոնային գնումների (eauction.armeps.am կայքի) համակարգի (այսուհետ նաև՝ Համակարգ) միջոցով: Ընկերությունն իր դիմում-հայտարարության մեջ նշել է, որ ցանկություն ունի մասնակցելու աճուրդի թիվ 1,2,3,4,5,6,7,8,9,10 չափաբաժիններին:

Ընկերությունից բացի Ընթացակարգին մասնակցել է նաև «ՋիԷնՍի-Ալֆա» ՓԲԸ-ն:

Աճուրդի հրավերի (այսուհետ՝ Հրավեր) 1-ին մասի, 7.2 կետով սահմանված է, որ էլեկտրոնային աճուրդը սկսվում է 2019 թվականի հունվարի 28-ին, ժամը՝ 14:00-ին: Հրավերի նույն կետով սահմանված է նաև, որ եթե Աճուրդը սկսելու օրը համընկնում է ոչ աշխատանքային օրվա հետ, ապա Աճուրդը սկսվում է տվյալ օրվան հաջորդող աշխատանքային օրվա նույն ժամին:

Ընկերությունը, առաջնորդվելով վերոնշյալ դրույթով և «Հայաստանի Հանրապետության տոների և հիշատակի օրերի մասին» ՀՀ օրենքի երկրորդ հոդվածով սահմանված դրույթով, որի համաձայն, հունվարի 28-ը համարվում է Բանակի տոն՝ ոչ աշխատանքային օր, ակնկալում էր, որ Աճուրդը սկսվելու է տվյալ օրվան հաջորդող աշխատանքային օրվա նույն ժամին, այսինքն՝ 2019 թվականի հունվարի 29-ին, ժամը՝ 14:00-ին և պատրաստվում էր մասնակցել Աճուրդին նշված ամսաթվին և ժամին:

Սակայն, աճուրդը՝ 1-ից 6-րդ չափաբաժիններով տեղի է ունեցել ոչ աշխատանքային օրը՝ 28.01.2019թ-ին, ժամը՝ 14:00-ին:

Ընկերությունը, նկատի ունենալով գնումների մասին ՀՀ օրենսդրության պահանջները, այդ թվում՝ ՀՀ կառավարության 2017 թվականի մայիսի 18-ի N 534-Ն որոշմամբ հաստատված «Էլեկտրոնային աճուրդի իրականացման» կարգի (այսուհետ՝ Կարգ) և հրավերի դրույթները, վստահ լինելով, որ աճուրդը չի կարող տեղի ունենալ գնումների մասին ՀՀ օրենսդրությամբ պահանջների իսխատմամբ, չի մասնակցել 28.01.2019թ-ին, ժամը՝ 14:00-ին կայացած Աճուրդին: Ընկերությունը, տեղի ունեցած Աճուրդի մասին իմացել է 29.01.2019թ-ին, ժամը՝ 09:00-ին:

Հրավերի 1-ին մասի, 7.3 կետով սահմանված է, որ «6-ից ավել չափաբաժինների դեպքում յուրաքանչյուր հաջորդող 6 չափաբաժնի համար էլեկտրոնային աճուրդը սկսվում է չափաբաժինների նախորդ խմբի էլեկտրոնային աճուրդի կազմակերպման համար սահմանված 30 րոպեի ավարտվելուց անմիջապես հետո: Եթե չափաբաժինների քանակը չի սպառվում մինչև տվյալ աշխատանքային օրվա ժամը 16:00, ապա մնացած չափաբաժինների համար էլեկտրոնային աճուրդ կազմակերպվում է տվյալ օրվան հաջորդող առաջին աշխատանքային օրվա ժամը 09:00-ին՝ հաշվի առնելով սույն կետով սահմանված պայմանները:

Ընկերությունը, առաջնորդվելով վերոնշյալ դրույթով և նկատի ունենալով չափաբաժինների քանակը՝ 4 և աճուրդի կազմակերպման համար սահմանված 30 րոպե ժամանակը, ակնկալում էր, որ

աճուրդը սկսվելու է չափաբաժինների նախորդ խմբի էլեկտրոնային աճուրդի կազմակերպման համար սահմանված 30 րոպեն ավարտվելուց անմիջապես հետո՝ այսինքն 2019 թվականի հունվարի 29-ին, ժամը 14:30-ի սահմաններում և պատրաստվում էր մասնակցել Աճուրդին նշված ամսաթվին և ժամին:

Սակայն, Աճուրդը՝ 7-ից 10-րդ չափաբաժինների մասով տեղի է ունեցել 2019 թվականի հունվարի 29-ին, ժամը 09:00-ին:

Ընկերությունը, վերը նշված նկատառումներից ելնելով, չի մասնակցել 29.01.2019թ. 09:00-ին կայացած Աճուրդում: Ընկերությունը՝ գնումների մասին ՀՀ օրենսդրության պահանջների չհամապատասխանող անցկացված Աճուրդի մասին տեղեկություն ստանալով, և քաջատեղյակ լինելով Համակարգի առանձնահատկությունների մասին, դիմել է Պատվիրատուին ստեղծված իրավիճակը շտկելու և համապատասխան քայլեր ձեռնարկվելու պահանջով: Հանձնաժողովին ուղղված այս պահանջը սակայն չի բավարարվել, Հանձնաժողովի կողմից համապատասխան քայլեր չեն ձեռնարկվել, նոր աճուրդը տեղի չի ունեցել, և արդյունքում Ընկերությունը գրկվել է աճուրդին մասնակցելու իրավունքից:

Հանձնաժողովը 29.01.2019թ-ի Աճուրդի արդյունքների ամփոփման նիստում, ինչպես նաև 05.02.2019թ. հայտերի արդյունքների հաստատելու մասին նիստում, հաշվի չառնելով այն փաստը, որ 1-ից 6-րդ չափաբաժինների մասով Աճուրդը տեղի է ունեցել 2019 թվականի հունվարի 28-ին, իսկ 7-ից 10-րդ չափաբաժինների մասով՝ 2019 թվականի հունվարի 29-ին, ժամը՝ 09:00-ին, մերժել է Ընկերության ներկայացված հայտը և 1, 2, 5-10 չափաբաժինների համար առաջին տեղ զբաղեցնող է ճանաչել Ընթացակարգի մյուս մասնակցին՝ «ՋիէնՍի-Ալֆա» ՓԲԸ-ին:

Ընդունելով այսպիսի որոշումներ՝ Հանձնաժողովը չի առաջնորդվել ՀՀ օրենսդրությամբ սահմանված համապատասխան դրույթներով:

ՀՀ կառավարության 2017 թվականի մայիսի 18-ի N 534-Ն որոշմամբ հաստատված «Էլեկտրոնային աճուրդի իրականացման» կարգի (այսուհետ՝ Կարգ) 14-րդ կետով սահմանված դրույթի համաձայն. «Էլեկտրոնային աճուրդը չի կարող կազմակերպվել ժամը 16:00-ից հետո և ոչ աշխատանքային օրերին: Եթե էլեկտրոնային աճուրդն սկսելու օրը համընկնում է ոչ աշխատանքային օրվա հետ, ապա էլեկտրոնային աճուրդը վերահայտարարված է համարվում տվյալ ոչ աշխատանքային օրվան հաջորդող աշխատանքային օրվա նույն ժամին»: Նման դրույթը սահմանված է նաև Հրավերի 1-ին Մասի, 7.2 կետով, որի համաձայն էլեկտրոնային աճուրդը սկսվում է 2019թ-ի հունվարի 28-ին, ժամը՝ 14:00-ին: Հրավերի նույն կետով սահմանված է նաև, որ եթե Աճուրդը սկսելու օրը համընկնում է ոչ աշխատանքային օրվա հետ, ապա Աճուրդը սկսվում է տվյալ օրվան հաջորդող աշխատանքային օրվա նույն ժամին:

«Հայաստանի Հանրապետության տոների և հիշատակի օրերի մասին» ՀՀ օրենքի երկրորդ հոդվածով սահմանված դրույթի համապատասխան հունվարի 28-ին նշվում է Բանակի՝ օր՝ ոչ աշխատանքային օր:

Հաշվի առնելով վերոնշյալ դրույթները, Աճուրդը պետք է սկսվեր 2019թ-ի հունվարի 28-ին հաջորդող աշխատանքային օրվա նույն ժամին, այսինքն՝ 2019 թվականի հունվարի 29-ին ժամը 14:00-ին:

Հրավերի 1-ին մասի, 7.3 կետով սահմանված է, որ «6-ից ավել չափաբաժինների դեպքում յուրաքանչյուր հաջորդող 6 չափաբաժնի համար էլեկտրոնային աճուրդը սկսվում է չափաբաժինների նախորդ խմբի էլեկտրոնային աճուրդի կազմակերպման համար սահմանված 30 րոպեն ավարտվելուց անմիջապես հետո:

Հաշվի առնելով վերը նշված դրույթը և նկատի ունենալով չափաբաժինների քանակը՝ 4 և աճուրդի կազմակերպման համար սահմանված 30 րոպե ժամանակը, աճուրդը պետք է սկսվեր չափաբաժինների նախորդ խմբի էլեկտրոնային աճուրդի կազմակերպման համար

սահմանված 30 րոպեն ավարտվելուց անմիջապես հետո՝ այսինքն 2019 թվականի հունվարի 29-ին, ժամը 14:30-ի սահմաններում:

28.01.2019թ-ի ժամը 14:00-ի և 29.01.2019թ-ի աճուրդների արդյունքների մասին որոշում ընդունելով, Հանձնաժողովը չի կատարել Կարգի և Հրավերի վերը նշված պահանջները:

Կարգի և Հրավերի պահանջները չկատարելու հետևանքով, Ընկերությունը զրկվել է Աճուրդին մասնակցելու իրավունքից: Արդյունքում, խախտելով «Գնումների մասին» ՀՀ օրենքի /այսուհետ՝ Օրենք/ 3-րդ հոդվածի 2-րդ մասի 1-ին և 2-րդ կետի պահանջները՝ Ընթացակարգի մասնակիցների համար հավասար պայմանները չի ապահովվել, գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպման պահանջները չեն ապահովվել: Աճուրդին ընդամենը մեկ մասնակցի մասնակցելու արդյունքում չի ապահովվել մասնակիցների շրջանակի ընդլայնում և նրանց միջև մրցակցության խրախուսման սկզբունքի իրագործումը, որով խախտվել են Օրենքի 3-րդ հոդվածի 2-րդ մասի 1-ին և 2-րդ կետի պահանջներին:

Այսպիսով, ստացվում է, որ Հանձնաժողովը, չպահպանելով Կարգի և Հրավերի պահանջները, չի կատարել Օրենքի 3-րդ հոդվածի 2-րդ մասի 1-ին և 2-րդ կետի պահանջները՝ չի առաջնորդվել վերը նշված դրույթներով, որի արդյունքում հանգել է սխալ եզրակացության և կայացրել սխալ որոշում:

Ելնելով վերոգրյալից և ղեկավարվելով Օրենքի 50-րդ հոդվածի 7-րդ մասով՝

**ԽՆԴՐՈՒՄ ԵՆՔ**

Պարտավորեցնել «ՀՀ քննչական կոմիտեի ղեկարտամենտ»՝ ՀՀ քննչական կոմիտեի կարիքների համար համացանցի ձեռքբերման նպատակով ՀՀՔԿ-ԷԱՃԾՁԲ-ԻԿ-19/5 ծածկագրով անցկացվող էլեկտրոնային աճուրդի ընթացակարգի գնահատող հանձնաժողովի ընդունելու որոշում՝ նշված ծածկագրով աճուրդի՝ 1, 2, 5-10 չափաբաժինների մասով չկայացած հայտարարելու մասին

Կից ներկայացվում են՝

1. Բողոքարկման վճարը կատարած լինելը հիմնավորող փաստաթղթի բնօրինակի արտատպված (սկանավորված) տարբերակը:
2. Նաթելլա Թաղևոսյանին տրված լիազորագրի բնօրինակի արտատպված (սկանավորված) տարբերակը:
3. Վազգեն Կարապետյանին տրված լիազորագրի բնօրինակի արտատպված (սկանավորված) տարբերակը:
4. «ՎԵՈՆ Արմենիա» ՓԲԸ-ի «ՀՀ քննչական կոմիտեի ղեկարտամենտ» կարիքների համար՝ ՀՀ՝ քննչական կոմիտեի կարիքների համար համացանցի ձեռքբերման նպատակով ՀՀՔԿ-ԷԱՃԾՁԲ-ԻԿ-19/5 ծածկագրով անցկացվող էլեկտրոնային աճուրդում մասնակցելու դիմում-հայտարարության արտատպված (սկանավորված) տարբերակը:
5. «ՀՀ քննչական կոմիտեի ղեկարտամենտ»՝ ՀՀ քննչական կոմիտեի կարիքների համար համացանցի ձեռքբերման նպատակով ՀՀՔԿ-ԷԱՃԾՁԲ-ԻԿ-19/5 ծածկագրով անցկացվող էլեկտրոնային աճուրդի ընթացակարգի գնահատող հանձնաժողովի 29.01.2019թ. թիվ 2 արձանագրության արտատպված (սկանավորված) տարբերակը:
6. ՀՀ քննչական կոմիտեի ղեկարտամենտ»՝ ՀՀ քննչական կոմիտեի կարիքների համար համացանցի ձեռքբերման նպատակով ՀՀՔԿ-ԷԱՃԾՁԲ-ԻԿ-19/5 ծածկագրով անցկացվող էլեկտրոնային աճուրդի ընթացակարգի գնահատող հանձնաժողովի 05.02.2019թ. թիվ 3 արձանագրության արտատպված (սկանավորված) տարբերակը:

«ՎԵՈՆ Արմենիա» ՓԲԸ-ի ներկայացուցիչ՝

Նաթելլա Թաղևոսյան  
